



## Svaka četvrta nezaposlena osoba u FBiH je s područja Tuzlanskog kantona



U junu ove godine sa evidencija službi za zapošljavanje u Federaciji BiH brisane su 10.573 osobe, od kojih je zaposleno njih 7.317. U istom mjesecu na evidenciju nezaposlenih se prijavilo 10.409 osoba, od kojih 5.503 po prestanku radnog odnosa, podaci su Federalnog zavoda za zapošljavanje.



Krajem maja ove godine u Federaciji BiH je bilo zaposleno 532.779 osoba. Broj zaposlenih u odnosu na prosjek iz prošle godine veći je za 11.979, odnosno 2,50 posto, a u odnosu na prethodni mjesec za 2.313, odnosno 0,40 posto.

Krajem juna na evidencijama službi za zapošljavanje bile su registrirane 308.443 osobe, što je u odnosu na prethodni mjesec smanjenje za 164 osobe, odnosno 0,05 posto. Udio ženske populacije u broju nezaposlenih iznosi 179.705, odnosno 58,26 posto.

Od ukupnog broja nezaposlenih, 209.162 (67,81 posto) je stručnih, 99.281(32,19 posto) su nestručne osobe, a njih 117.243 (38,01posto) prvi put traži zaposlenje. Na evidenciji nezaposlenih bile su registrirane 82.024 osobe dobi između 15 i 29 godina.

Među nezaposlenima najviše je KV (97.511 ili 31,61 posto) i NKV radnika (93.434 ili 30,29 posto), potom slijede osobe sa SSS (83.722 ili 27,14 posto) i VSS (21.826 ili 7,08 posto), PKV radnici (5.378 ili 1,74 posto), osobe sa VŠS (4.986 ili 1,62 posto), VKV radnici (1.117 ili 0,36 posto) i osobe s NSS (469 ili 0,15 posto).

Najveći broj nezaposlenih registriran je u Tuzlanskom (74.448 ili 24,14 posto), potom u Kantonu Sarajevo (58.425 ili 19,94 posto) i Zeničko-dobojskom kantonu (55.278 ili 17,92 posto). U Bosanskopodrinjskom kantonu je registrovano 3.030 nezaposlenih osoba ili 0,98 posto od ukupnog broja. (Fena, tl)

Date: 02-08-2019